

# THE DAYBREAK

"Wankantanhan Anpao kin hiyounhipi"—Luke 1: 78

WOKAJUJU 50 CENTS.

Jan.-Feb., 1928

VOLUME XXXIX, NUMBERS 1, 2



BISHOP BURLESON

## 1928 NIOBRARA CONVOCATION

Tokata mdoketu kinhan, Standing Rock oyanke kin en, July 12-15 (Thursday to Sunday) heehan Omniciye Tanka unnduhapi kta.

## NIOBRARA DEANERY

Total Payments for the Year 1927

MISSION	NATION WIDE CAMPAIGN		NATIVE CLERGY FUND	
	Quota	Receipts to Date	Quota	Receipts to Date
Cheyenne .....	\$650	\$573 40	\$675	\$445 82
Crow Creek .....	450	450 00	300	79 10
Flandreau .....	50	55 00	50	51 73
Lower Brule .....	250	53 50	225	71 25
Pine Ridge Agency ..	800	531 96	625	356 10
P. R. Corn Creek ..	400	428 60	325	248 25
Rosebud .....	1050	567 25	850	303 82
Santee .....	500	164 66	400	219 03
Sisseton .....	450	166 80	250	109 54
Standing Rock .....	750	754 50	575	221 46
Yankton .....	700	452 97	500	250 00
St. Elizabeth's Sch. .	15	18 00	10	10 00
St. Mary's School ..	15	21 52	10	16 54
Flandreau In. Sch. .	15	14 79	10	12 17
Pierre Indian School .	15	19 02	10	11 48
Rapid City In. Sch. .	15	21 47	10	9 47
Other sources .....				468 67

Ataya .....

6125	4293 44	4825	2884 33
------	---------	------	---------

W. D. Swain, Executive Secretary.

## CHEYENNE MISSION

Jan 6, 1928

Hekta Dec. 14, 1927 el wicaša wašte wanji onyan unkiyayapi kin he Albert Arpan eciya pi, na Dec. 25 el ake wakanyeya wanji Baptisma Wakan waqu, he Edson Fast Horse na Ella cincapi.

Ho hecetu, Christmas na New Year unyuhapi eya lila osni na omanipica šni selececa qe yaš oyate kin wanikiya kin hi kte cin ape unpi kin, iyuškinyan apepi. Na ecel ake nonpa ape cinhan ihunnipi, na oyasin wocekiye woyatan econpi. Na wicaša na winyan

## BISHOP TOIE

Dakota Micincapi tewicawahinda kin:

Anpao kaše kin he Omaka Teca kin on wicioie etanhan yeciiciyapi kta makida qa he iyuškinyan ecamon kta.

Tokaheya Wakantanka lye wowaši ecaunki-conpi kin he woyawašte hiyohiye kta he ice-wakiye kta wacin, qa Dakota oyate kin totanhan takn tona on tanyan unpi kta iyececa kin hena ohinniyan wowašedake mitawa kin on en ewacin waun kin he awicakehan sdonyciciyapi kta wacin. Hekta omaka tona taku owasin otehiha, tka tokata oanpetu oiye hantu qeya waštešte u e he woape mitawa kin ee. Omaka wan u kin de icunhan iyošteiciyapi wanjigji econqonpi kta uncinpi, qa Bishop nitawapi kin nanpin dena on token wacin yuzapi kin he etanhan onge tonana sdonyayapi kta iyececa kecanmin. Omaka kin de icunhan wowaši unkitawapi ocon kin apiunkiyapi kta, qa oiyaše teca wan okna unkiyayapi kta he woape unkitawapi kin ee. Rev. Robert P. Frazier he detanhan tokatakiya Niobrara imahen Junior Archdeacon (Bishop iyohdateya okiheya najin Hakakta) he oknayan sdonyapi kta kin he Rosebud Makaokdaptapi kin imahen wowaši ocon awacinpi teca wan kacokaya oiyaše kage kte. Hokšipina Woonspe-tipi kte kin he de ptanyetu kinhan unyuganpi kta awauncinpi. Qa nakun Lower Brule (Kudwicašatipi) imahen Messiah tipiwakan wan huhnage qon he ostan wanji unkašapi kta, qa Trinity Tipiwakan kin he Mission otonwe kin hen piya unkašapi qa eunkdepi kta. Flandreau (Wakpaipakšan) en Okodakiciye wakan unkitawapi en opa wayawa unpi kin ohodaya cekiayapi sanpa tanyan ocon wašte yuhapi kta wan wicunkiyuwiyeyapi kta he on wanna ecana taku econqonpi kta uncinpi. Dakota Yewicašipi Wakiya Omniciye kin piya Makaokdaptapi toktokeca kin hena ektakta yuicašapi qa yuwašakapi wanbdake kta wacin. Omaka kin de Bishop Roberts qa miye ektakunhipi kte kin hena Tipiwakan ota ektakunhipi kta qa kitanna katehanyannasa oyate ob unqonpi kta he woape unyuhapi kin ee. Lent (Akihaniciyapi) kin de icunhan wacekiye omniciye uitawapi kin hena ektakta Bishop Watakpeyapi wowašake kin he sanpa duicašapi kta iyuba otoiyohe Wotanin Wašte kin oyeciayakapi kta iyuteya yakuwapi nin ecanmin.


Wakantanka Tokiconze kin he wicaša wicekna icagin kta he ookuwa kin iyuba opeunyanpi. Heon lye Caje kin en oiyošte wašte unkašapi kta e wicoksape qa wowašake ahinunqupi nin ecanmin.

Ihaktaya Bishop nitawapi kin,  
Hugh L. Burleson.

wanjikji woglakapi, na enakiyapi. Christmas wocon kin le ibankeya wašte wanblake se. Mitawacin Christmas tunkašila wicayapi kin wayupiya yuba škanpi kin on taku oyasin eetu hein tanyan iyošeyapi heon.

Le owicohan el tuweni wayašice šni heon piwala. Christmas tunkašilayapi kin James Mound na Willie Swan eepi. Wanikiya wan n kte cin oyate kin tokel igluhapi kta cin Anpetu Wakan oyasin ecel onspewicakiyapi heon wocon wašte unyuhapi.

I. E. S., Pub. Chmn.



BISHOP ROBERTS

## WOWAPI OTOKSU OHNA WAONSPEICICIYAPI

Wowapi otoksu ohnayan waonspeiciyapi awanyake cin decana tona de ohnayan waonspeiciyapi qa wošnakaša wawanyaka tawapi hena token wicohan yuha škanpi hena oihdakapi wowapi ataya iyayewicakiya.

Report kin dena 1927 en ihake wi yamni yanke cin hena etu. October 1 šni itokam 19 henakeca woonspe yanke cin kuwapi. Ebake wi yamni en kitanna yuotaya iyayapi, 24 henakecapi. He icunhan woonspe kin sanpa wašteya qa nakun sanpa waštedakapi aya. Woonspe ookuwa kuwapi 115 henakeca yuha onspeiciyapi. Tona decen waonspeiciyapi hena owasin cajewicamdate kta šni tka tuwepi e iyotanhi tanyeh eon wacinpi hena deepi, Asa Ten Fingers, Pine Ridge etanhan, qa Patrick Shields, Standing Rock etanhan.

Okodakiciye wakan tawicohan tantanhan on, Catechist qa Wawokiya unpi kin, token okihipika waonspeiciyapi kta uncinpi. Tka nakun wica qa winyan tuweka ešta woonspe dena wiconqupi kta iyounkipipi kta. Woonspe onpazopi hena token okihi yuha yaškanpi kinhan nina iyoniciyapi kta he sdonunyanpi. Woonspe dena tukte wanji kašta iyacupi oya-kihipi.

Wowapi wakan: Tani kin etanhan.

Okodakiciye wakan on woyakapi: Okodakiciye wakan wanakaja tanhan uye cin.

Wocekiye wowapi: On woyakapi, taku en un, qa token Dakota wocekiye wowapi unpi kta cin.

Yamni kin dena owasin wašicenn iapi qa Dakota iapi ohuayan unkašapi. Ektawapa kinhan Jesus Toni he qa Wowapi wakan teca etanhan woonspe unyuwiyeyapi kta.

Woonspe de tukte wanji, wašicun iapi qaiš Dakota iapi ohnayan onspeniciyapi yacin ehan-tanš, Rev. P. H. Barbour, Springfield, S. D. en wowapi yaqupi kta, kinhan oniciyapi kta.

Anapo duha he. Dnhe kte iyececa



# ANPAO KIN (THE DAYBREAK)

SPRINGFIELD, - SO. DAK.

REV. JOHN K. BURLISON, Springfield, S. D. }  
REV. PAUL H. BARBOUR, Springfield, S. D. } Editors.  
REV. LEVI M. ROUILLARD, Rapid City, S. D. }  
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opetonpi qaiš wowapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

ENTERED at the Post Office at Santee, Neb., at second class matter, and accepted for mailing as special rate of postage provided for in Section 1103 ct of October 3, 1917, authorized May 17, 1920.

## IAPU KAHNIGA TOIE

Christmas owicohan kin wanna henana. Eecadan Akihaniciyapi wicohan tanka kin en unqunpi kta. Tuka en unkipi šni itokam anpetu hena taku on, qa icunhan taku econqonpi kta hecinhan hena awauncinpi kta.

Omaka iyohi Wakantanka wetu wan unqonpi kta unqupi. Wicašta waawacinpi šni etanhan icunhan ituya opiiciyapi, takudan econ šniyan wotapi, ištiniapi, canonapi qa wotadakapi ece econpi. Okinni htanipi šni heon woahitani en ihpayapi ece. Tohan ptanyetu ehan ipi en wojupi muakiyapi kta ešta taku muakiyapi kta wanica; tokata waniyetu en token urpi kta hecinhan he awacinpi; qa icantešicapi. Tuka tona ksapapi hena wetu icunhan tohan okihipi nina htanipi Mahtipi en tipu ehantaniš maka kin hdundupi, yuhinhanpi qa wojupi su wašte iyohipeyapi. Qa wojupi hinape hehan tiyata unpi qa kicanyanpi qa wanunyanpi awanhdakapi. Hecen unpi hena tohan Wopida Anpetu ehan ipi eca taku on wopida eyapi kta yuhapi, taku muakiyapi yuhapi, woyute, qa hayake, qa tokata waniyetu en yapi kte cin ikope šniyan unpi; oape qa anpetu owasin tanyan idagkiyapi heon iyuškinyan unpi.

He iyecenya omaka iyohi Wakantanka Akihaniciyapi anpetu eya unqupi. Lent kin tanyan idagunyanpi kinhan tohan Kinipi Anpetu ehan unkipi en unnašipi wowiyuškin tanka en i kta he kapi; Lent idagunyanpi šni kinhan, wicašta wan wetu icunhan takudan econ wacin šni he iyeuncapi kta, qa Kinipi Anpetu ehan unkipi hehan taku econqonpi hena unpazopi unkokihipi kte šni. Hecen Easter ecan wicocante wašte takudan unkahipi kte šni. Christ toiyokšice qa towahtanipi en ekitananpi šni hena on wokakije wanyakapi qa sdonyanpi heon Christ Kini kin on wowiyuškin kta iyecetu ešta hena en ewacinpi šni. Omaka eca Lent icunhan Christ saupa ikiyedan inaujinpi kta, woahitani eya Iye etanhan yuhayam unyuzapi hena unkaŷuštampi wookini he unkiyankapi.

Hecen Lent kin de icunhan taku ecaunkinconpi kta on taku econqonpi kta hwo. Tokaheya qa iyotan tanka kin he WOCEKIYE hee. Cekiyapi kin he Wakantanka kici wotadakapi qa iš taku unkekiyapi kta hee. Iapi ocankuye eya onpi kta hee šni, tka cante etanhan awicakehan Wakantanka kici wotadakapi kta. Htayetu qa hanhanna tohan ceunkiyapi kinhan canpeškamakehde unyanapi kta. Wakantanka hen un e ohnayan unkohanyanpi kta, woahitani unkohdakapi kta wicowašake unkidapi kta, qa iapi unkitawapi ohnayan tuwewe qa taku uncantepi ikiyedan un hecin hena on waceunkiyapi kta. Anpetu iyohi en tohan tiwahe wacekiyapi eca tuwe owasin taku econpi hena sdonye wicunkiciyapi kta, Wakantanka oie naunlionpi kta, qa uncantepi etanhan kici wonhdakapi kta.

Anpetu wakan icunhan tiwahe nukitawapi owasin sin tipi wakan eka unkiwitayapi kta.

Tipi wakan unkitawapi en tohan Wotapi Wakan wicaqupi kte kinhan yušna šniyan en unqonpi kta. Unkiye untonipi ounkiyapi kta heon Iye Tancan qa We tawa kin unqupi. Tka ihduwiyea šniyan en unkuپی kte šni. Tipi wakan en Wotapi Wakan unkiyapi kta, itokam ohinnian tanyan unkiyapi kta. Heconqonpi kte kin he iapi eya unkeyapi hecedan šni. Tka untonipi he nina tanyehi wanunhdakapi kte. Woahitani eya sdonunkiyapi kte, iyotan tona šice hee cin hena. Okinni witantanpi, qaiš waeconkapi qaiš tuwewe ituya awicaiapi hena ee kta. Hena on cante ataya Wakantanka itokam unkohdakapi kte, Christ ounkiyapi qa dena Wakantanka unkiyapi kta nndapi kta. Wicohan dena on tuwewe ounkiyapi uncinpi kinhan wošna kaga unkitawapi en unkipi kta, token econqonpi kta he unkipazopi kte, qa woyopeiye he awicaka ehantaniš Wakantanka woahitani hena akiktonje kta. Tka iyotan econpica kin he Wotapi Wakan en upi šni itokam woahitani ohdakapi kte kin hee.

Dena hecen econqonpi, qa icunhan nakun Wakantanka token unniپی kta cin he ohnayan nnyanpi kinhan Lent kin wowašte tankiyan unkahipi kta, qa ihanke en Kinipi Anpetu en wowiyuškin tanka unyuhapi kta. Ito Wocakiye wowapi en dena iwanyagya yawa po, yundayapi 269-273 hehanyan, dena en token ecanon kte cin oniciye kta.

Lincoln, Neb., Nov. 16, 1926.

Dakota Mitakodapi Kin: Isantankan tawa ieyapi iyecen wicohan ohoyadapi kta niciyan kapi kin onge iwaktaciyapi on tinsa awaciniciyapi kta wacin.

Sicea wicaduhapi kin hena woonspe iyyotan wašte kin wicayaqupi kta iyececa tohan yan okihipi iye hanyan.

Nieineapi kin okašna šni qaiš oape yušna šni katinyan wayawa yewicayakiyapi šni kinhan de eced duecetupi oyakihipi kta šni.

De omaka Dakota Owayawa-tipi wocon on woeye yuhapi kin iyomakipi—"Dakota Sicea Iyohi iyakidecen oko kicihanpi". eyapi kin he wake, qa awicakehan sicea wicaduhapi kin woonspe ihunikiyapi kte cin hehanyan anpetu iyohi wayawa yapi kte cin he okihiwicayayapi kta awandakapi kta ieciciyapi.

Nitaoyatepi kin etanhan wanjikji onajin wacinyan yuhewicakiyapi hehanyan ohiciyapi, qa maka owicohan kin ed wiakinihanpi.

Decen unpi qon etanhan Senator Curtis, Kansas makaobašte etanhan kin he okitaninyan un, iye unkitamakoecepi kin en kspetan-canpi kin wicehna onajin wan ohiciyapi.

Nieineapi kin nitaoyatepi kin ehna wicašta qa winyan wankantuya unpi kin iyecen ihdoyapi kta iyowicapaštakapi kta wacin.

John M. Matzen,

Makaobašte en woonspe oyate tawapi Awanyake kin.

## LOWER BRULE

Kulwicaša oyanke Skaun Okolakiciye wakan etanhan, (Womens Auxiliary.) Wiyan Omnicieye unpi kin lila wowaši econpi. Hekta (Christmas.) anpetu hehan owote wan lila wašte kašapi, na heya hekta omaka, na lehan taku econpi kin yawapicašni, wašte kin ecela Okolakiciya wakan glwawašakapi, na glutankapi, kta on. Anpetu iyamni, can omnicieye econpi. Omnicieya hena lila waštešte yuhapi.

Ska un okolakiciya wakan kin lile wowaši econ, Kulwicaša owakpamni el Holy Comforter chapel hel, owancaya omnicieye unyuhapi, Dec. 16-17-18 1927 lena el. Na (Owancaya Omnicieye) oitancan apiwicayapi, na lena epi kta wicayuštanpi, 1. Henry U. Heart, 2. Sam M. Bird, 3. Edw. Ree Chancellor, 4. Amos Boy Elk. Lena oitancan kin ake tokata wiake nob he hanyan yankapi kta. Na Omnicieya econhan taku waštešte ota econpi na yuštanpi.

Wicaša na wiyan ota. taku iwoglakapi kin lile onahon wašte qon eca. Okolakiciya wakan, Wowapi Wakan, woeyaksape, wowahokonkiya, lena eitancanyan yuha štanpi, na eyapi. Dec 16, anpetu he hel B. C. U. omnicieye kin wicokaeya wotapi kašapi. Na

## ROSEBUD MISSION COUNCIL

December 13 na 14, 1927 qonhan St. John's tipi wakan, Ring Thunder ed Rosebud ed Dakota Yewicašipi Wakiya Omnicieye econpi. Rev. Robert Frazier omnicieye kin wocekiye on yušan. Hehand obašte ed oitancanpi kin caje wicayate. Rev. Henry Whipple, Mazaska woawanyake ed itancan; Rev. Alfred Barker, Yewicašipi; Mr. Geo. DeCory, Wakan cekiya woonspe; Mr. Isaac Bear, Wayatanin; Mr. Walter Williams, Oyate iwaštepi waeconpi; na Mrs. Walter Williams, Winyan Omnicieye. Hipi kin dena epi, Rev. Messrs. Frazier, Whipple, Barker, na DeCory.

Mazaska woawanyake obašte kin he tokaheya iwokdakapi Mr. DeCory wacajeyatin na Rev. Barker okiya na N. W. C. na N. C. F. ed owacekiye tona mazaska kičunpi kta kahni-gapi hena 1927 ed toked owayanka becinhan 1928 ed hereknana kta yuštanpi. Ake N. W. C. na N. C. F. womnaye kin on wowapi akahpe etanhan yuhapi kta De Cory wacajeyatin na Barker okiya. Wowapi okaliپی kin dena wicaša na winyan tona wicayusutapi opapi kin wicaqupi na dena yuha unpi na tohand mazaska tonakea kta hecinhan iyenakca yuhapi kin hehand hektakiya hiyuyapi kta. De yuštanpi. Whipple wacajeyatin na DeCory okiya. Wocajeyate kin de e wicaša iyohinna N. W. C. on mazaska wanji na N. C. F. on mazaska wanji kičunpi kta. Yuštampi.

Hehand Yewicašipi obašte kin he iwokdakapi. Wacajeyatapi na tona Rosebud ed ska on Okodakiciye ed opapi kin iyuha caje wicahipi kta Easter 1928 itokab. Deon okiciyapi na yuštanpi.

Mr. De Cory Wakan Cekiya Woonspe Obe kin on report kaga na 1928 ed wocon kte cin nakun hduotanin. Wocon kte cin deead yanka; Owacekiye tipi iyobin ed Anpetu Wakan wayawapi na Wowapi Wakan on woonspe yuhapi kta. Nakun Niobrara Course na Niobrara Woiwange hena sanpa unpi kta keya.

Omnicieye tipi na iš taku owacekiye tipi ed timahed wašicu wacipi kte sni na is wacipi on owacekiye etkiya mazaska kašapi kte šni. De Cory deon wacajeyatin na Whipple okiya. Yuštampi.

Wi yamni can Owancaya Omnicieye econpi sa qon he yutokapi kta Barker wacajeyatin na De Cory okiya. Detanhan June wi kin ed ecena Owancaya Omnicieye kin dena yuhapi kta na wiyawapi tohand yuhapi kta cin he wicaša wakan waawanyanke cin kahniğin kta. De Omnicieye kin detanhan Rosebud Skaun Omnicieye eciapi kta.

December 14

Itancan kin omnicieye yušan, Mr. Isaac Bear de omnicieye kin ed unkiyapi on. Wayatanin obašte wocon kin hehand iwokdakapi. Tiwahe iyohinna Anpao opetonpi kta iyececa kin on de obašte kin sanpa patintanpi kta wacajeyatapi. Okiciyapi na yuštanpi.

Obašte ed tona oitancanpi kin wicaša na winyan obašte tawapi ed wowaši econpi kta wicacinpi wicakdakinigapi.

Winyan omnicieye na oyate iwaštepi waeconpi obašte kin etanhan oitancan kin hipi šni kin on tuwena wicakahniğapi šni.

Sanpa wocon wanica canke omnicieye kin ekiknakapi. Doxology kin ahियayapi.

Dec. 17, qon han teca omnicieya kin wotapi kašapi na anpetu wakan Dec. 18, 1927, qonhan wiyan omnicieye kin ake wotape kašapi.

Eya lena omnicieye kin lila wowaši econpi, ska un okolakiciye wakan etanhan. Ake tokata, omnicieya kin le (Messiah district,) hel yinkta, gluštampi, (Easter) kini anpetu kin iyohakab. Eya lila omnicieya wašte onyuhapi. Na taku on (Owancaya omnicieye) eya caje yatapi kin. Skaun el tona opapi na insi B. C. U. wiyan omnicieya. Teca omnicieya lena iyuha yuptaya omnicieya econpi kin he on (owancaya omnicieya) eya caje yatapi. Skaun okolakiciye wakan eca mnicieya. E. R. C.

## Grace Before Meals

Thanks be to Thee, O Lord, Feed the hungry, and grant that all men every where, may seek and find the Living Bread which cometh down from Heaven.

AMEN.



## OWAYAWA EN WOCEKIYE WICOHAN

Ikcewicaşa oyanke itankata Tunkanşina owayawa yamni hiyeye cin, Rapid City, Pierre qa Flandreau, hena September tokaheya ehan ake tiyopa yuganpi, qa wakanheja tona en wayawa unpi kipipi hena ake akdi. Rapid City qa Pierre hena en opawinge yamni sam iyeya unpi, qa Flandreau hen opawinge tom sam iyeya unpi.

Dena en iyohi Episcopal Okodakiciye wakan toza opapi kin decetu. Rapid City, wicincana 63, hoksina 68, witaya 131; Pierre, wicincana 50, hoksina 54, witaya 104; Flandreau wicincana 48, hoksina 64, witaya 112; Yamni ataya en 347 henakeca Sinaska okodakiciye Wakan opa hecapi. Nakun en wowaşi econpi etanhan opapi yukan.

Iyohi en tecapi okodakiciye, Young people's Service League he caje yuhapi. Qa iyohi en tokenken oitancan nupi kin decetu: Rapid City en, President Alice DeMarsche, Vice Pres. Godfrey Broken Rope, Secretary-Treasurer Alberta Horn; Counsellors kin, Effie Whipple, Alberta Welsh, Adolf Day qa Samuel DeCory; Advisors kin, Chief advisors he Dallas DeCory, unmapi kin, Ben DeCory, Mrs. Ben DeCory, Mrs. Nancy Arrow qa Miss Florence Cornelius; Ushers, Melda LaPlant qa Jefferson Burnette; Janitor, Godfrey Broken Rope. Anpetu izaptan hitayetu iyohi witaya wace-unkiyapi qa wocekiye wicohan tantanhan on woonspe icupi; qa wi iyohi anpetu wakan tokaheya hahanna eciyatanhan napeinwanka apa hehan wotapi wakan wicawaqu. Qa wi iyohi nakun wayawa unpi ataya, school assembly en wowicawakiyaka. Omaha 1927 on N. W. C. qa N.C.F. waeconwisaşipi ataya kduştanpi.

Pierre en, President Bernice Gilbert, Vice Pres. Herman His Law, Secretary-Treasurer Lucille Ziegler; Counsellors kin Melda Johnson, Esther Badger, Donald Eagleman qa Glenn Tin Cup; Advisors kin Mrs. Alice McLean qa Mrs. Fire. Owayawa kin den wi iyohi nonpa wahi. Qa wi wanji eca Wotapi Wakan icupi. Qa omniciye unma hena en wocekiye woonspe icupi.

Flandreau en, President Elmer Philips, Vice Pres. John Two Star, Secretary-Treasurer Olive Jones; Counsellors Alma Baird, Mabel Colome, Theophile Traversie qa Lynas Skenandore; Advisors Mrs. Henry Cottier Mrs. Stephen Labelle, Mrs. Cornelius qa Mr. Kibler. Owayawa den wi iyohi wai, qa Wotapi Wakan wicawaqu. Nakun wi iyohi school assembly en wowicawakiyaka.

Omaka iyohi Dr. qa Mrs. Ashley owayawa iyohi en hipi ecee. Pierre qa Flandreau hena en wanna hipi, tka nahanh Rapid City en hipi kta wakta unqunpi. Tohan hipi eca wakanheja owasin iyuşkinpi, hunkakepi wan hipi he iyecen tawacin yuzapi, qa napin iapi waşteşte, woiyaksape, Sinaska opa eceena şni tka wayawa unpi ataya nakun wowicakiyakapi ece.

Owayawa yamni ataya en itancanpi kin token ikihipika wicohan waşte hena iyopastakapi. Qa Tunkanşianpi owayawa dena inyangkiyapi qa Ikcewicaşa oyatepi wankan-tkiya iyoptapi kta he kuwapi. Nasuna kin kaunspepi kta, nape kin kaunspepi kta, qa wicacante nakun qa he iyotan kin ee, hena wicadapi heon wocekiye nakun ognayan iyoptapi kta wicadapi heon tona Okodakiciye Wakan opapi hena awanwicankdakapi kta hecetu dapi najinpi qa dena on wopida unyuhapi. Wayawa unpi icunhan wojupi su dena unkojupi; qa tohan wayawa ayuştanpi qa iyecinka iyayapi kinhan hehan woiyotankiye, woiyoksice, tuwena owicakiyapi şniyan iyayapi hehan nagipi kin hena taku dena on sanpa waşağya icalı yapi kta. Tka token ikdoyapi kta onspepi kta hena owayawa dena en onspeigiciyapi. Ikcanye tawapi pe kicagapi kta, qa ksamyahan iyankapi kta dena on woonspe tipi en unpi. Woonspe cona unpi he nina otehika. Qa sanpa woonspe qa wocekiye cona unpi he iyotan otehika. Woonspe ikceka qa wocekiye woonspe dena tawacin en taku waşte awacin un kta, he eciyatauhan sanpa qa sanpa waşte icalı yapi kta hena on wakanheja dena owayawa en unpi. Tokiyatanhan woksape dena u hecinhan hena wanyagwicunkiyapi kta uncinpi. "Wakantanka kokipapi kin he woksape otokahe kin ee,"

Levi M. Rouillard,  
Missionary to Indian Schools, Rapid City, S. D.

## ST. MARY'S WOTANIN

1. De waniyetn kin St. Mary's ed Christmas wan ihankeya waşte e unyuhapi. Christmas oko kin he ataya wicincana kin wayawapi şni canke nina oiyoki yuhapi.

Christmas anpetu itokab owanka yujajapi mazaşkanşkan zaptan qonhan St. Mary's owacekiye tipi kin ed Rev. Paul Barbour wocekiye wan tohinni eonktonjapi kte şni econ. Waşnapetijanjan wikcemua topa na sanb on owacekiye tipi kin ataya ijanjan yanpi. Rev. Barbour wokdake qa heya, "Christmas can wawicakupi ecena unkiyukeanpi kte şni tka sanpaya Wanikiya unkitawapi tonpi kin on unkiyuşinpi kta iyecceca." Otonwe eciyatan wakanheja ota hipi.

Wocekiye kin ohakab St. Mary's wicincana pi ee pi na Skaun Okodakiciye ed tona otonwe ed opapi kin hipi na ob pta yena hitayetu waunytapi.

2. He ohakab waşicu wakaheja kin waecon tawapi kin yuhapi na hehand St. Mary's wicincana kin is Wanikiya unkitawapi tonpi kin he pazopi. Wicincana kin iyuha opapi na iyuha nina tanyan ikpazopi, yuonihanye hein econpi.

Tona opapi kin dena eepi.

Witaşna un Mary..... Ethel Edwards  
Joseph ..... Ruby House  
Marys unmapi kin..... Hazel Edwards  
Feanette Thompson

Gabriel ... Leona De Cory  
Wicaşayatapi kin..... Anna Lambert

Sylvia Jones  
Katherine Clark  
Tahcaawanyakapi..... Irene Whipple  
Edna Estes  
Hazel Gilbert

Herod Wicaşayatapi..... Geneva La Croix  
Wicaşayatapi tawieu..... Helena Brugnier  
Herod Taokiyekin..... Mae Whipple

Rose Ten Fingers  
Elizabeth Packard

Wayatnin kin..... Myrtle DeCory  
Ohnihde unmapi kin..... Mollie Brugnier

Hazel Mitchell  
Leah Robb  
Myrtle Lafferty

Lena W. Soldier  
Isabel Shields  
Emma Ruff

Andrey Smith  
Wicaşa ksapapi..... Josephine Borisseau

Thelma Garcia  
Sarah Wright

Ellen Shaw ena Irene Packard is ozanpi kin yutintanpi. Nina tanyan econpi kin on ake econ wicakiyapi-anpetu itopa, Dec. 29 qonhan.

He ohakab wicincana kin takuku icupi kin wicokicupi. Hehand ptedyena unkiştimapi na wihiyayena ake wanji sanb okise ostan unkiytapi na odowan unkomanipi na hancokanyan qonhan wotapi wakan unkiycupi.

## CROW CREEK

## Koşkitancan Teca wan

Hekta November wi kin, Pittsburg, Pennsylvania etanhan, waşicu koşka wan, A. Harry Ulrich; Christ Church Mission House, Fort Thompson, en i. Iye koşkitancan heca qa waniyetu kin de icunhan Rev. David W. Clark, Mato Catka ookiyin kta. Wana wi nom Mr. Ulrich, Koşka Cepa, nina bdiheca owasin econ. December wi kin wa ota, anpetu iyohina nina osni, tiyaza omani nina otehika, tuka iye, anpetu wakan iyohina, St. Peter's ipi wakan ed, Stephen Gunn kici, wocekiye econ qa wicokaiyaya, oape topa can St. Alban's, Kudwicaşa oyanke ekta, wocekiye econ. Nakun, anpetu wakan oko iyohina-anpetu tokaheya kin St. Alban's ed, wakan, heja on, wowapi wakan waonspewicakiye. Anpetu inonpa qa anpetu itopa kangı okute oyanke ed owayawa tipi kin nonpa hena ed waonspewicakiye. Qa nakun, wi iyohina, Gann Valley otonwe ed, Buffalo County County seat. anpetu wakan iyamni kin on, Ohde Ptececa (Congregational) tiwakan ed Mr. Ulrich wocekiye econ. Deced on nina canteunwaştepina; Gann Valley wicaşa wakan nica, heon etanhan Committee wan unki copı qa ekta unyanpi qa owicakiyapi.

Tokşa, tohan okihi kta, Mr. Ulrich wicaşa wakan kta nina cin, qa Bishop Barleson ihukud wowaşiye econ cin kta.

## LOWER BRULE

Teca omniciye, (the Young Peoples Service League.) Skaunokolakiciye wakan etanhan, kulwicaşa oyanke lel. Teca omniciye onpi-kinhan qa oitancan, Miss Martha, qa Edyth Decory, kici Holy Comforter el Y. P. S. L. iyopteyapi, qa wana wi nob hehanyan itancan kin ob wowaşi econpi. Hekta Jan. 7.—1928. qonhan, Christian Social Service, waeconp qa el Y. P. S. L. kin oyute wiyopeyapi qa mazaska akewanji sam iyeya kağapi qa lehan-tu kin mazaska akeşaglogan. Teca omniciye kin yuhapi. Hekta, Dec. 24—1927. qonhan Y. P. S. L. opapi kin wanji ta, Mary G. Rope. Teca omniciye kin owankayujajapi wihiyayela nobpa etanhan qa topa behan omniciye econpi. (The Y. P. S. L.).

Christian Social Service eyapi kin heonuhapi, kulwicaşa oyanke lel. Wiwanji can wancana. Social Services econpi ece. Qa woiwağaga, qa sam tiwahe tanyan yuhapi kta on wowahonkonkiye wceyaskape, wıyan qa wicaşa wanjiyi eyapi. Qa iyotan winyan qa wicaşa toua towinna wicoeye wakan nahonpi şni qon hel. Iyotan kin (Christian Social Service,) hel econpi. Okolakiciya wakan el wawokiyapi, wacantkiyape wicohan kin he. E. R. C. Pub. Chrm.

## YANKTON B. S. A.

Nov. 30 1927, St. Andrew taanpetu kin ed Ibanktonwan tipi, magaska oyanke ed St. Philip Tipi Wakan okna St. Andrew Sunkakiciyapi Chapter No. 2111, onpi kin mniciyapi. Hinhanna eciyatan wacekiyapi qa Wotapi Wakan icupi. Woecon kin de Rev. P. J. Deloria yuwakan qa Rev. John Rondell okiya. Wicokaya wotapi, hehand St. Andrew Sunkakiciyapi kin Tipi Wakan okna mniciyapi, Rev. John Rondell wocekiye econ hehand oitancan dena wicakagapi, Edward Flyinghawk Itancan, Joseph Gassman Itancan okihe, Louis Gassman wowapi kağa, Thomas Hunter mazaska awanyanka. Anpetu kin de ed winyan omniciye onpi kin mniciyapi ece qon iyehantu canke ijeya omniciye yuhapi.

Nov. 30, 1927. Qonhan Greenwood ed St. Andrew Sunkakiciyapi, Chapter No. 1301 onpi kin mniciyapi. Hihanna eciyatan Wotapi Wakan icupi. Rev John Flockhart woecon kin dena econ. Hehand omniciye yuhapi qa dena oitancan wicakagapi Director David Ree, V. Director Dan Yellowhair, Secretary Llewelyn Selwyn, Treasurer Joseph Grabbinghear.

Nov. 30, 1927. Chotean Creek ed Holy Name Tipi Wakan okna St. Andrew Sunkakiciyapi Chapter No. 1886. onpi kin mniciyapi qa dena oitancan wicakagapi. Director, Harvey La Clair, V. Director Felix Chinn. Secretary Henry Stinger; Treasurer, Wallace Zephier.

## WICAKICICAJUJUPI CINPI KIN

Wicaşa taku iyotan cinpi, qa wonihineye wan tokaheya waşagyapi kte cin he woaltani woqin etanhan tawaiciyapi kin hee. Token "oinyanke unkitokam wanke cin ohna unki yankapi kte cin hena natake qa okihi-şni unyanpi ece," kin sdonunyapi, qa maka akand waşniyan qaiş wicayujaja kta ecaea iyeyepica şni. Hehan Tuwe mahpiya eciyatauhan hi qon he ekta unkihduhomiipi qa iho: "Zech. 13: 1. Iye kin woaltani qa woasape on Mini-lidoka kin heca." Tuwe woaltani ohdake şni kin token witkotkohe hea cen. Wicatan-can anpetu iyohi yujajapi kta ihniipi icunhan taku tanton-şni woniya eciyatauhan kin aktapi şni qon he woksape cokadan unpi qon heca. Wicotawacin, wicote qa woecon iye sdonkiyapi qaiş aiciktapi şni on etanhan unyuşapapi ece. Woasape on canwankapi kin he wosdonye kicanyanpi kin onşpa ee. Tohan on wicani etanhan wicozani qa wowiyuşkin kin sdonunyanpi kta on canicipawega kin itokam wowaonşida on canpeşka makahde inaujinpi kinhan, (St. Luke 18: 14.) wamnayan wan yuwotatpidan kin he iyecen unyuwotatpidan wan heca kta. Qa ITANCAN Hitayetu-wotapi tawa kin en wowakta kin unhapi, wokajuju qa wookiye yuwicakapi kin hee.—Rev. Floyd W. Tomkins, D. D., in "The Living Church".



## Okolakiciye Wakan kin on Wiwicawangapi Wan

## Christmas, nakun

W. Chrysostom, Constantinople el Bishop un kin, Christ tonpi anpetu kin on tokel waayatanin he.

A. "December 25 anpetu kin he Christ tonpi anpetu heca ca otokahe ekta oholapi, na hetanhan lehanyan iyecel unyuhapi ce" eya.

W. Naban heon sam taku eya he.

A. "Wowapi Wakan etanhan wi-ayawapi kin icunhan Christ tonpi he unyawapi, na anpetu tohan tonpi kin, he oyate woyakapi wowapi gnakapi na awanyakapi kin, hetanhan tanin hea ce" eya.

W. Owicawapi wowapi kin lena on taku eya he.

A. Roma otowwe kin el wowapi tuktel ognakapi kin, tuwa cin kinhan ekta ole na yawa kta ca woope eciyatanhan iyowinwicakapi ce eya.

W. Lecel oyake cin tuktel iyeypica he.

A. Omaka na December 25 anpetu icunhan wahokonwicakapiye gon na he ehan tokel eye cin wowapi tawa kin nahahecin lehanyan yuhapi.

W. Augustine, Hippo (Africa) el Bishop un qon is tokel wayu-atanin he.

A. Wicatonpi kin le on wowahokonkiye wowapi akeyamni owa, na oyasin el December 25 anpetu kin he ehan Itancan tonpi qon eya.

W. Augustine omaka watohan ni he.

A. Omaka opawinge itopa, na ie cin eciyatanhan, Christmas anpetu he owancaya se slolyapi na tona Christian unpi kin ohinniyan anpetu kin he oholapi kin heca ca cajeyate.

WOONSPE IWIKCEMNA YAMNI  
SANPA TOPA

## Christmas, nakun

W. Omaka opawinge itopa kin el, Christ tonpi kin on, St. Augustine tokel eya he.

A. "Wi inapeiyunka, January 'kalends' itokab anpetu isaglogan he ehan Christ tonpi" ce eya, he December 25th iyehantu kapi.

W. "Kalends" eyapi kin he taku kapi he.

A. Roma oyate el wiyawapi kin on wi iyobila anpetu tokaheya he kapi.

W. St. Augustine, John Baptist taanpetu kin icunhan on wahokonwicakapiye gon tokel eya he.

A. "Okolakiciye Wakan kin wicatonpi anpetu nomnala kiksuye; le anpetu iyehan John tonpi kin he, na January kalends itokab anpetu isaglogan Christ tonpi" (December 25) kin henios keye.

W. Psalm 133 ieskaya cajeyate cin icunhan, St. Augustine ake tokel waayatanin he.

A. "Okolakiciye Wakan unqupi kin ognayan, John he July kalends itokab anpetu isaglogan (June 24th) tonpi; Itancan unyanpi kin he, January kalends itokab saglogan can (December 25th) hehan tonpi; un-kiksuyapi" ce eye.

W. Heceel Christmas December 25, ahopapi kin on tokel eyepica he.

A. Wokiksuye kin he Okolakiciye Wakan taomaka otokahe hee cin ehantanhon, na Christian oyasin anpetu kin he oholapi ece kin, he iyecel unkiš econponpi kta ca iyo-walunyanpi kte cin hee.

W. Le eciyatanhan Wowapi Wakan etanhan wicoie tukte cajeyatepica he.

A. Taku kin le "wicaša akantu kin etanhan hecinhan atakuni kte šni: tka Wakantanka eciyatanhan un kinhan yujuju okihipica šni." (Ohan. 5: 38, 39.)

## Christmas, nakun

W. Otokahe ekta Christian kin hena tokel Christmas ahopapi he.

A. He icunhan wowaši oyasin ayušanpi, na wowiyuškin tanka yuhaha tipi wakan tawapi kin el wicokeota wacekiya hipi ece.

W. Nakun Christmas anpetu icunhan taku econpi he.

A. Itancan Htayetu Wotapi econpi na wolowan iyuskinyan lowanpi.

W. Nakun tokel towiyuškin yu-ataninpi he.

A. Tipi wakan tawapi kin hena, walica ocaje yuwipi na can alekta toto kin on ayucoyapi.

W. Le eciyatanhan Wowapi Wakan wicoie tukte wanji cajeyatapi ece he.

A. "Lebanon towitan kin he el niu kta; wazisaka can, wazi can na hante ša kicica, tipi wakan mitawa owanka yuwašte kta." (Isaya 60: 13.)

W. Isaya taku on lecel eya he.

A. Wicowoyake kin he el, Christ hi kin iyohakab, Okolakiciye Wakan towitan kte cin he cajeyate cin eciyatanhan.

W. Wicoie wakan kin le, wacin-yanpi išta kin taku awacinkiya he

A. Okolakiciye wakan kin tokata woohiye yuha na ohinni teca un, to, wowanyake wašte na wookiye owihanke wanin yuha kte cin hee.

W. Makowancaya Christmas kin on tokel wacinyuzapi he.

A. Wahošiye wakan taanpetu kin etanhan lehanyan wokiksuye kin he iyotan tanka heca yawapi ece.

WOONSPE IWIKCEMNA YAMNI  
SANPA ZAPTAN

## Bakihlayapi kin

W. Itancanunyanpi bakihlayapi gon wokiksuye kin he tohantu he.

A. Christmas ohakab anpetu isaglogan hehantu he ehan Jesus caštonpi.

W. Bakihlayapi kin he taku he.

A. Woecon wan he eciyatanhan hokšicala Wakantanka Taokolakiciye kin he opewicakapiye gon, na icunhan wicacaje wicakupi he heca.

W. Tokaca Okolakiciye Wakan kin anpetu kin he kiksuya he.

A. Iyehan Christ woowotanla oyasin yuecetu kte cin on waana goptanyan waecon kin heon.

W. Iye hokšicala tka Wakantanka Taokolakiciye tani kin opekiyapi gon hetanhan taku ca unkoka-łnigapi he.

A. Nahahecin hokšicala kin hena Iye Taokolakiciye kin he opewicayapi kta iyececa kin hee.

W. Christ Taokolakiciye kin el, woecon kin le Wakiconzapi wan eekiya taku yuha he.

A. Baptisma wakiconzapi kin na he ognayan cašwicatonpi ece.

W. Okolakiciye Wakan otokahe kin el, hokšicala eciyatanhan tokel econ he.

A. Wahošiye taanpetu etanhan Baptisma wicacu ecee.

W. Hekta omaka A. D. 253 he ehan Carthage otowwe el Bishop wicemna šakpe saupa šakpe mni-ciyapi gon, wowiyunge taku iwo-glakapi he.

A. Baptisma wicakupi kte cin on anpetu isaglogan hehanyan apepi kta hecinhan hee.

W. Tokel wayušanpi he.

A. "Taku on apepi kte cin wance tka tohantu kaša Hokšicala Baptisma wicakupica" eyapi.

## Epiphany kin

W. January wi kin wiyawapi i-šakpe kin hehan taku kiksuyapi he.

A. Epiphany kin, naiš Christ oyate kin el yutaninpi kin he.

W. Wanikiya unkitawapi tonpi gon oyate iyuha taku apeunpi he.

A. Tuwa wan tanka iglutatin kta ca owancaya apepi.

W. Woakipe kin taku eciyatanhan yuhapi he.

A. Messiya u kte cin on Juda oyate woeconpi wicakupi kin eciyatanhan.

W. Le iyehan tuwa ca Wakan-tanka Iye Cinhintku kin wicakiyutanin he.

A. Wiyohiyanpatanhan wicaša ksapapi, Magi ewicakapiye, kin he na.

W. Magi kin hena tuwepi he.

A. Persia oyate el, tona wošna-kağapi, wicaša ksapapi na wicaša wiyukeanpi heca hecel cajewicayatapi ece.

W. Wicaša kin hena taku onspe-icayapi he.

A. Wicohan owotanla, wowiyu-kean wankantuya, wicanłpi woon-spe na pejihuta wicohan kin.

W. Taku on Wakantanka Iye Cinhintku wicakiyutanin he.

A. Wicanłpi wan eciyatanhan, na iye wiyukeanpi eciyatanhan taku tanka heca kapi kecinpi.

W. Wicanłpi wan u kta e Magi kin taku on apepi he.

A. Wicayawapi wowapi kin, wicowoyake 24 na oegle 17 el "wicanłpi wan Jacob etanhan u kta" Balaam iwokean gon etanhan na-ceca. Lakaš woeconpi kin le Jesus, Messiya kin he epazo, icin Wayo-tanin 22: 16 el "anpao wicanłpi ilege cin" eyapi kin he Iye kapi.

W. Wicaša ksapapi kin taku wic-itokab ya he.

A. "Wicanłpi wanyakapi gon he wic-itokab iyaya ca hokšicala wanke, he iwankab inajin."

W. Wicaša ksapapi kin taku wic-itokab ya he.

A. "Wicanłpi wanyakapi gon he wic-itokab iyaya ca hokšicala wanke, he iwankab inajin."

WOONSPE IWIKCEMNA YAMNI  
SANPA ŠAKPE

## Epiphany, nakun

W. Wicaša ksapapi kin Hokšicala Wakan kin wanyakapi gon taku econpi he.

A. Oholapi na takuku qupi.

W. Christ taku qupi he.

A. Mazaska zi, Canšin, na Pejihuta waštemna.

W. Wawicakupi kin lena taku iya-cinpi he.

A. Wakantanka he Iye ca on Canšin qupi, Wicašayatapi kin on Mazaskazi qupi, na oyate oyasin on tin kte cin on Pejihuta waštemna qupi.

W. Juda oyate el taku on peji-huta waštemna ilagyapi he.

A. Wicaye cin wicahapi kte cin on wicayuwiyeyapi.

W. Wakantanka Iye Cinhintku kin wicaša ksapa kin slolyewicakapiye gon, towaonšila taku tanin he.

A. Ikcewicaša kin hena Judah oyate ob, akiyecelya wowanikiye wicakipazopi kte cin he, na talica-šunkala optaye wanjila kta, Wawanyake wanji ihukuya, Jesus Christ, hecel unpi kta wanna iye-hantu ca glutatin.

W. Ikcewicaša (Gentiles) ewicakapiye kin hena tuwepi he.

A. Tona na tuwa kaeša, Moses toope yuhapi šni kin hena, Juda oyate hecel cajewicayatapi ecee.

W. Lehantu kinhan Ikcewicašapi kin tokel Christ wicakiyutaninpi he.

A. Wicaša Wakan ekta yewicašipi na onspewicakapiye na Baptisma wicakupi.

W. Yewicašipi oyanke he taku he.

A. He Okolakiciye wakan etanhan oyanke heca, tuktel Wicaša wakan wanji is isanpa, eglepi na hel Christ Wotanin wašte tawa oyagwic-ašipi heca.

W. Yewicašipi kin he tokel icali-yapi he.

A. Tona Okolakiciye Wakan opapi kin on, icin iyobila tokel okihipi kin Wotanin wašte sam icagin kta e lila wawokivapi kta iyececa.

W. Taku kin le on tokel Jesus woope wicacu he. (Matt. 10: 8.)

A. "Iyunwin cola iyacupi, iyun-win cola wicacu po" eya.

## Christ Tipi Wakan el aipi kin

W. Christ Tipi Wakan el aipi wokiksuye kin tohantu he.

A. February wi wiyawapi inonpa, Christmas ohakab anpetu wicemna topa ehantu.

W. Cinca tokapapi kin eciyatanhan, Juda woope kin he tokel eya he. (Gli. 22: 29.)

A. Jehowa na Tipi Wakan tawa el wicohan kin on wakan yawapi kta, tka cinpi kinhan wošnapapi wan on opetonpi kta eyapi. (Wica. 18: 15.)

W. Juda oyate kin el cinca wan kicetonpi eca, ohakab anpetu wicemna topa kinhan, on tokel econpi he.

A. Tipi Wakan el aipi na Jehowa qupi, naiš cinpi kinhan mazaska šeqel zaptan on opekiconpi.

W. Hunku kin yuskapi kte cin on taku wayušna he.

A. Talicašunka cincala wan, waniyetu wanjila, nahan wakiyela, naiš tilwakiyela wanji; tka walipanicina kin on talica cinca okihi šni kinhan wakiyela nomlala kięun kta. (Lewi. 12: 6.)

W. Tokaca Wanikiya unkitawapi kin woope kin lena ohola he.

A. Woepe kin ihukuya tonpi kin heon, nahan Iye toni kin el wakan cekiyapi eciyatanhan woepe tona yuke cin ataninyan ohola kta e iyo-winięiye.

W. Jesus hunku kin lecel ecela Itancan unyanpi kin ynwakanpi kin on taku unkonspepi he.

A. Lehantu tona cinca yuhapi kin, iye econ kin ognayan econpi wašte, na cincapi kin Baptisma on Christ elawicai pi kta iyececa.

W. Jesus hokšila icunhan taku wanjila econ oyakapi kin tuktel iye-yaya he. (Lukas 2: 42, 46.)

A. Waniyetu akenonpa gon Jesus hunku na Joseph Jerusalem e-ka Woacaksin opapi kin ob iyaye, na takuwicaye kigłapi eša iye hekta "Tipi Wakan el waonspekiyapi kin wicacokab waanawicagoptan, na wicayunh yanka."

Continued Next Month